

19

IVSTA SVPREMA
GENEROSISSIMO SPLENDIDISSIMO QVE
IVVENI

FRIDERICO VON Straus/

EQVITI MARCHICO SVAE GENTIS
POSTREMO

IN REGIA FRIDERICIANA

XXIX IAN. CICCI FATALITER EXSTINCTO,

ET

VIII FEBR. DECORIS RITIBVS SEPELIENDO,

AB OMNIBVS ACADEMICIS,

QVIBVS COMMODVM EST,

BENIGNE AC HUMANITER FACIENDA

INDICIT

ACADEMIAE PRORECTOR

PAVLVS ANTONIVS,

S. THEOL. D. ET PROF. PVBL. AC REGII CONSISTORII

IN DVCATV MAGDEB. CONSILIARIUS.



HALAE MAGDEBURGICAE,

LITTERIS CHRISTIANI HENCKELII, ACAD. TYPOGR.

LIBRARY OF THE UNIVERSITY OF DRESDEN
GENERAL LIBRARY OF THE UNIVERSITY OF DRESDEN
IULIANUS
HISTORICO-ARTISTICO
MUSEUM
EQUITA MARCHIO SAV. CENITIS
SOTERIA
IN HOGA LIMBICIANA
EXSTINCTO
AB OMNIBUS ACTIVITATIBUS
QVIRAS COMMODAM FES.
LUDV. AC HUMANITUR RVCENDV
ACADEMICAE PROLEGOTOR
PAVL. 2 V. 11. 2
THEOLOGY PROFESSOR MAGISTER CATHOLICARUM
INDACTA MIGDÆR CATHOLICARUM
CATHOLICARUM
CHRISTIANA INSTITUTIO AGENS
* 26.8.1683
† 29.1.1703



Riste sane officium est, funus indicere, exsequias parare, præser-tim magnæ spei adolescenti, & ei, in quo inclita & antiquæ gloriæ familia cum corpore exani-mi contumulatur, & nominis succiditur pro-pagatio. Etenim facile est coniectare, quan-tum vulnus inde parentes, si supersint; quan-tum cognati ceteri accipient, si stirpitus exci-sum genus viderint, quod per longam annali-um memoriam virtutis & gloriæ feracissimum exsttit, & magnos fructus ad rem publicam & ad patriæ communem tulit utilitatem. Horum autem grauissimo dolori magno fomen-to, quod mitiget acerbitatem, utique meden-dum est: idque difficilius adhibetur iis, qui sa-pientiores ceteris vulgare solatum perspe-ctum habent, nec vero illo a luctus grauitate adleuantur. Nihilominus aliquid nobis adfe-rendum est, quum generoso Iuueni, & vnico, ut sperabatur, suæ Gentis propagatori, supre-mum faciendum est officium, & spes ipsa, quam conceperant propinqui, vna cum ipso sepelienda. Talis casus erat, quo Vestricii Spurinnæ olim domus fuit concussa, qui ab-sens, quum in Germania bellum gereret, Bru-ðerorumque restitueret Regem, filium præ-claræ indolis, summæque spei, COTTIVM, ami-

amisit : cui id solatii Traianus Cæsar dedit , vt filio quoque , quod rarum in iuuene , honor statuæ , perinde vt meritissimo parenti , cui idem triumphalem posuerat , haberetur . Quod nostrum est in æquali splendidissimæ Familiæ luctu , qua cura & studio possimus , faciemus , atque etiam statuam memoriæ DEFVNCTI publicam ponemus , non quidem marmoream , sed vel marmore durabiliorem , hoc est litterariam , quæ , vt illa externam formam expressit , ita præstantiora omnia , illustre genus , nobilia studia , & beatam ex vita migrationem referat . Huic autem monumento , quæ accepimus de ortu , educatione , studiis atque exitu ex vita , subscribemus .

Cui iusta hæc facimus lugubria , ea vere facimus suprema , quia nemini post hunc ex nobilissima eius stirpe facienda . Is erat FREDERICVS DE STRAVS , iuuenis florentissimus , & tam generis antiquitate , quam gloria Maiorum nemini sui ordinis secundus . Patre enim natus est illustri & summo viro , IOANNE CHRISTOPHORO DE STRAVS , gloriosi Principis FRIDERICI WILHELMII MAGNI , Electoris Brandenburgici , cetera , in equestri militia Maiore Generali , & Præfecturaruin Kantzig ac Himmelstæde Gubernatore : cuius præcla-

re

re aetam vitam & res fortissime gestas si re-
spicimus, de priscis Romanis aliquem bello
togaque clarissimum videmur intueri. Sic
enim res nostra aetate fere dissociabiles, armo-
rum ac litterarum studium, illorum exemplo
coniunxerat, ut non tantum summus Dux mi-
litiæ, sed Orator etiam disertissimus, pruden-
tissimusque rei publicæ administrator fieret:
cui extremus actus in obsidione Budensi fuit,
vbi triduo ante, quam vrbis regia caperetur,
Comoræ, ad Danubium munimento, fatali-
ter exstinctus est, nostrumque DEFVNCTVM
vix trimulum reliquit, vtpote CICIOCLXXXIII
mense Augusto editum. Mater superstes, &
luctu iam tantum non examinata, est itidem
illustris Matrona EVA CATHARINA GÖR-
NIA, viro summe reuerendo, generosissimo-
que, GEORGIO CHRISTOPHORO DE GÖR-
NE, Decano Cathedralis Ecclesiæ Branden-
burgensis, & equestris Ordinis per Marchiam
Directore, nata, nunc, postquam eluxerat,
cum perillustri viro CAROLO GOTHOFREDO
BOSE, potentissimi Regis Poloniarum & Ele-
ctoris Saxoniæ, cetera, Consiliario Intimo,
Equite Ordinis Ioannitarum, & Circuli Mis-
nensis Gubernatore, matrimonio coniuncta.
Satis diximus de antiqua DEFVNCTI nobili-
tate, vtroque Parente nominatim laudato, et-

A 2

iam-

iam si fumosas Maiorum imagines non reperierimus, quæ in campum patentissimum nos deducent, vnde exitum difficile est breuitati nostræ inuenire. Pater enim præter STRAVSIOS, ad Auos ARNIMBIOS, SCHÖNBECKIOS, TROTTIOS, SCHÖNINGIOS, MARWICIOS, HALBERSTADIOS, SCHVLENBVRGIOS, nos adducet: Maternam gloriam itidem magna Maiorum nomina HÜNICKIORVM, BREDOWIORVM, TROTTIORVM, LOCHOWIORM, BÜNOVIORVM, KOPPELOWIORM, atque iterum SCHVLENBVRGIORVM illustrarunt. Ex his ingenium hausit NOSTER dignum tantis progenitoribus, quod Auia cum primis, generosa & pientissima Matrona, exstincto qui genuerat, formari curauit, hanc sibi curam deposcens, ut conductis præceptoribus intra lares suos carissimo Nepoti pietatis & litterarum fundamenta iniicerentur. Quod quum feliciter cessisset, idem fidei & institutioni perreuerendi & clarissimi viri M. GOTHOFREDI ALTMANNI, apud Seruestanos Ecclesiaſtæ dignissimi, commissus est, cuius dexteritate ita in optimis studiis profecit, etiam priuata quorundam Professorum illustris ibidem Gymnasii vſus opera; vt exacto Seruestæ septennio, quamuis admodum adolescens, non indignus vſus fuerit, qui ad Academicas acroases admitt-

mitteretur. Huc ergo in Fridericianam no-
stram translatus ; & illustri viro SAMVELI
STRYKIO, IC. celeberrimo, intimoque poten-
tissimi REGIS BORVSSIAE, DOMI-
NI nostri multum clementissimi, Consiliario,
Professori Publ. primario, ac Iuridici Collegii
Directori, Fautori & Collegæ nostro honora-
tissimo, commendatus ; breui post ingenii at-
que industriæ egregium specimen publica de
Auro Coronario disputatione edidit , quam
sub excellentissimi viri ac Collegæ nostri IO.
SAMVELIS STRYKII, Professoris Regii, & se-
renissimæ Viduæ Saxo-Isenacensis Confiliarii
Aulici , præsidio defendit. Quum ita prope
tertium annum in Academicis studiis transe-
gisset, iam in eo proposito constitutus ex svo-
RVM voluntate , vt in exteris quoque genti-
bus bene cœpta & longius producta studia
consummaret, ac quidquid sub alio cælo præ-
clarum ac dignum equestri est iuuentute, ob-
seruaret, & in vsum suum atque patriæ decer-
peret ac referret ; en subito morbo pustula-
rum , quem nemo facile effugerit , oppressus
ita fuit, vt nec præsentissima medicina ad ma-
lum valeret profligandum, quod in dies auge-
scebat adeo, vt vitæ finem imminere tam ipse
quam alii præsentirent. Deo itaque se præ-
buit, ac a plurimum reuerendo Collega no-

A 3

stro

istro & Theologiæ Professore ac meritissimo
Glauchensium Pastore AVGVSTO HERMANNO
FRANKIO admonitus ac præparatus,iuentutis
delicta serio agnouit,eorumque veniam sollici-
te a Deo precatus est. In qua sanctissima me-
ditatione quum versaretur, vir maxime reue-
rendus WOLFGANG MELCHIOR STISSE, s.
Theologiæ D.& primarius Halensium Pastor,
etiam Salani Circuli Inspector Regius, super-
venit, eumque confirmauit, & augustissimis
sacris Corporis ac Sanguinis Dominici pa-
ratiorem ad emigrandum reddidit: qua in
Christum suum fide ac certa salutis persuaſio-
ne persistens septimo morbi die , qui xxix
Ianuarii erat , inter preces circumstantium
exspirauit.

Quas reliquit in terris exuuias, hodie post
meridiem II hora honesto ritu ac Christiano
more ad tumulum efferentur: quas vt in illu-
ſtrium MATRIS atque AVIAE solatium am-
plissimi Collegæ nostri, & nobilissimus Ordo
Academicæ iuentutis frequentes comiten-
tur; per omnia humanitatis iura rogamus at-
que monemus. P.P. Halæ VIII Febr.

ccccci

A

Datum der Entleihung bitte hier einstempeln

17. Fe 1992
24. Juni 1998
07. Juli 1998
11. Nov. 1999

SACHSISCHE LANDESBIBLIOTHEK



2 0355146

